

Faro rápmaoppalašsoahpamuša válmmaštallanraporta

Čoahkkáigeassu

Jagi 2005 olggosaddui soahpamuš mas lea háltti addi rávvagat suvdilis kulturárbeberggu várás. Soahpamuša gohčodat Faro soahpamuššan.

Jagi 2014 Museavirgedoaimmahat ja Kotiseutuliitto čielggadeaigga, maid Faro soahpamuš dárkkuha Supmii ja galggašiigo Suopma dohkkehit dán soahpamuša. Seammáš dat čielggadit, mat vuordámušat olbmui leat kulturárbbi geavaheami ektui. Čielggadusa loahpparaporttas mitaluvvo, maid Suoma searvan Faro soahpamušii sáhtta dárkkuhit.

Čielggadus ávžžuha, ahte Suopma dohkkeha Faro soahpamuša.

Mii lea kulturárbi ja kulturárbebergu?

Kulturárbi dárkkuha áššiid, mat árbašuvvet mannanáiggis. Kulturárbbi leat ovdamearkan máidnasat, lávlagat, vistit ja giliduovdagat. Kulturárbebergu lea kulturárbbi dikšun ja geavaheapmi. Kulturárbi gullá olmmošvuoigatvuođaide.

Faro soahpamuš doarju buot olbmuid vuoigatvuođa iežas kulturárbái. Soahpamuša ulbmilin lea, ahte olbmot ságastallet, mii kulturárbái gullá, mii lea dan mearkkašupmi ja mo dat geavahuvvo.

Olbmot atnet árvvus iežaset kulturárbbi, muhto dohkkehit maiddái iešguđetlágan kulturárbbiid, ovdamearkan sisafárrejeaddjiid kulturárbbi. Lassin Faro soahpamuš addá ođđa jurdagiid das, mo kulturárbbi galgá dikšut ja mo buohkat sáhttet geavahit dan. Kulturárbbi geavaheapmi galgá dáhpuhuvvat suvdilis ovdáneami vuodđojurdagiid mielde.

Ulbmilin lea, ahte jagi 2020 mánggat olbmot oassálastet kulturárbebergui ja geavahit kulturárbbi. Seammás sii suodjalit dan nu, ahte dat seailu mánáide ja mánáidmánáide. Kulturárbebergus lea mielde mánggat doaibmit, maiddái stáhta.